

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

6/98

15.05.1998.godine

SLUŽBENI GLASNIK IZDAJE

Služba Općinskog vijeća Zavidovići

ODGOVORNI UREDNIK

Hajrudin Katardžić, dipl.prav.

Na osnovu člana 3. Statuta općine Zavidovići ("Službeni glasnik općine Zavidovići", broj 1/98) i člana 11. Zakona o srednjoj školi koji je objavljen u ("Službenim novinama Zeničko-dobojskog kantona", broj 5/97), Općinsko vijeće općine Zavidovići na svojoj 7. sjednici održanoj dana 14.5.1998. godine, donosi:

ODLUKU

o besplatnoj vožnji u gradskom i prigradskom saobraćaju
za djecu ratnih vojnih invalida i djecu demobilisanih boraca

Član 1.

Ovom odlukom propisuju se uslovi i postupak ostvarivanja prava besplatnu vožnju u gradskom i prigradskom saobraćaju za djecu ratnih vojnih invalida i djecu demobilisanih boraca.

Član 2.

Djeca ratnih vojnih invalida imaju pravo na besplatnu mjesečnu kartu u prigradskom saobraćaju pod uslovom da su redovni učenici srednjih škola na području općine Zavidovići.

Član 3.

Djeca ratnih vojnih invalida koji su redovni studenti ostvaruju pravo na besplatnu vožnju u prigradskom saobraćaju, s tim što se ovo pravo može koristiti najviše dva puta mjesečno.

Član 4.

Prava iz člana 2. i 3. ove odluke mogu se ostvariti samo u slučaju ako je roditelj učenika ili studenta ratni vojni invalid i da nije korisnik ličnog izuzetnog materijalnog obezbjeđenja.

Član 5.

Prava iz člana 2. i 3. ove odluke pripadaju i djeci demobilisanih boraca pod uslovom da su redovni učenici srednjih škola na području općine Zavidovići i redovni studenti, s tim što pravo na besplatnu vožnju kao redovni studenti mogu koristiti najviše dva puta mjesečno.

Član 6.

Djeca demobilisanih boraca iz člana 5. ove odluke mogu ostvariti pravo na besplatnu vožnju samo u slučaju ako je roditelj djeteta nezaposleni demobilisani borac prijavljen Birou za zapošljavanje kao nezaposleno lice, ili ukoliko je roditelj učenika ili studenta zaposlen demobilisani borac sa mjesečnim novčanim primanjem do 100 KM.

SLUŽBENI GLASNIK - OPĆINE ZAVIDOVIĆI

broj 6/98

621

Član 7.

Ukoliko ratni vojni invalid ili demobilisani borac imaju dvoje ili više djece koja po odredbama ove odluke ispunjavaju uslove za priznavanje prava na besplatnu vožnju u gradskom i prigradskom saobraćaju, pravo na besplatnu vožnju može se ostvariti samo po osnovu jednog djeteta.

Član 8.

Ukoliko ratni vojni invalid ili demobilisani borac imaju jedno dijete koje po odredbama ove odluke ispunjava uslove za priznavanje prava na besplatnu vožnju u gradskom i prigradskom saobraćaju, pravo na besplatnu vožnju može se ostvariti samo po osnovu jednog djeteta.

Član 9.

Pod gradskim saobraćajem u smislu ove odluke podrazumijeva se saobraćaj koji se odvija na području općine Zavidovići.

Član 10.

Pod prigradskim saobraćajem smatra se saobraćaj koji se odvija izvan zone od 5 km, odnosno na područjima čiji je administrativni centar općina Zavidovići.

Član 11.

Sredstva za finansiranje besplatne vožnje iz člana 4. i člana 6. ove odluke za djecu ratnih vojnih invalida i djecu demobilisanih boraca izdvajaju se sa stavke "izdvajanja za borce" i sa stavke "tekućih budžetskih rezervi."

Član 12.

Ova odluka stupa na snagu sa danom donošenja i ista će se objaviti u "Službenom glasniku općine Zavidovići", a primjenjivat će se od početka školske 1998. godine.

Član 13.

Danom donošenja ove odluke, prestaje da važi Odluka o besplatnoj vožnji u gradskom i prigradskom saobraćaju za djecu šehida i ratnih vojnih invalida broj 01-023-21/95 od 16.03.1995. godine koja je objavljena u "Službenom glasniku općine Zavidovići", broj 3/95).

OPĆINA ZAVIDOVIĆI

OPĆINSKO VIJEĆE

Broj: 01-023-27

Datum: 14.5.1998. godine

**PREDSJEDAVAJUĆI
OPĆINSKOG VIJEĆA**

dr. Refik Čatić s.r.

- 622 -

Na osnovu člana 3. Statuta općine Zavidovići ("Službeni glasnik općine Zavidovići", broj 1/98), Odluke Općinskog vijeća op osnivanju Fonda za pomoć ratnim vojnim invalidima, Organizaciji porodica šehida i poginulih boraca i nezaposlenih demobilisanih boraca broj 01-023-21 od 12.05.1997.godine, objavljene u Službenom glasniku općine Zavidovići, broj 3/97, a u skladu sa zaključkom Općinskog vijeća općine Zavidovići broj 01-56-10 od 19.03.1998.godine Općinsko vijeće na svojoj 7. sjednici održanoj dana 14.5.1998.godine,

d o n o s i

O D L U K U

o izmjeni i dopuni Odluke o osnivanju Fonda za pomoć ratnim vojnim invalidima, Organizaciji porodica šehida i poginulih boraca i nezaposlenih demobilisanih boraca

Član 1.

U članu 4. stav 2. Odluke iza riječi: "demobilisanih boraca", tačka se zamjenjuje sa zarezom, a iza zareza dodaje se novi tekst koji treba da glasi: "i jednog ljekara na prijedlog Javne ustanove "Dom zdravlja" Zavidovići."

Član 2.

Iza člana 4. Odluke dodaje se član 5. koji treba da glasi:

"Tijelo iz člana 4. stav 2. Odluke ima pravo da dio sredstava dodjeljuje u vidu jednokratnih novčanih pomoći pod uslovom da stranka koja je podnijela zahtjev pismeno dokaže osnovanost podnesenog zahtjeva", a član 5. postaje članom 6.

OPĆINA ZAVIDOVIĆI

- OPĆINSKO VIJEĆE -

Broj: 01-023-26

Datum, 14.5.1998.godine

PREDSJEDAVAJUĆI
OPĆINSKOG VIJEĆA

dr Refik Čatić, s.r.

- 623 -

Na osnovu člana 68.b. Zakona o građevinskom zemljištu ("Službeni list SRBiH, broj 34/86, 1/90, 29/90) i ("Službeni list RBiH", broj 3/93 i 13/94) i člana 3. Statuta općine Zavidovići ("Službeni glasnik općine Zavidovići", broj 1/98), Općinsko vijeće Zavidovići na svojoj 7. sjednici, održanoj 14.05.1998.godine, donijelo je

O D L U K U

o utvrđivanju prosječne konačne građevinske cijene 1 m² korisne stambene, odnosno korisne poslovne površine u društvenoj svojini na području općine Zavidovići za 1998.godinu

Član 1.

Utvrđuje se prosječna konačna građevinska cijena 1 m² korisne stambene površine u društvenoj svojini na području općine u iznosu od 600 KM (slovima: šestotina KM).

Član 2.

Utvrđuje se prosječna konačna građevinska cijena 1 m² korisne poslovne površine u društvenoj svojini na području općine Zavidovići u iznosu od 900 KM (slovima: devetstotina KM).

Član 3.

Ova odluka stupa na snagu osmog dana od dana objavljivanja u "Službenom glasniku općine Zavidovići."

OPĆINA ZAVIDOVIĆI
- OPĆINSKO VIJEĆE -

Broj: 01-023-29

Datum, 14.5.1998.godine

PREDSJEDAVAJUĆI
OPĆINSKOG VIJEĆA

dr Refik Čatić, s.r.

- 624 -

Na osnovu člana 25. Zakona o građevinskom zemljištu ("Službeni list SRBiH", broj 34/86, 1/91 i 29/90 i "Službeni list RBiH", broj 3/93 i 13/94) i člana 3. Statuta općine Zavidovići ("Službeni glasnik općine Zavidovići", broj 1/98), Vijeće općine Zavidovići na svojoj 7. sjednici održanoj 14.5. 1998.godine, donijelo je

R J E Š E N J E

1. Preuzima se neizgrađeno gradsko građevinsko zemljište iz posjeda ranijeg nosioca privremenog prava korišćenja, radi privođenja trajnoj namjeni, i to zemljište označeno sa: k.č. 14/2, zv. "Bara" - prilazni put u površini od 255 m², korisnik DR SV RO "Šumarstvo" - Tehničko održavanje; k.č. 15/5, zv. "Bara" - voćnjak u površini od 19 960 m², korisnik DR SV RO "Šumarstvo" - Tehničko održavanje; k.č. 15/12, zv. "Bara" - prilazni put u površini od 290 m², korisnik DR SV RO "Šumarstvo" - Tehničko održavanje; k.č. 16/2, zv. "Bara" - potok u površini od 130 m², korisnik DR SV RO "Šumarstvo" - Tehničko održavanje; k.č. 15/6, zv. "Bara" - voćnjak u površini od 14 337 m², korisnik DR SV "Krivaja" RO "Metalna industrija"; k.č. 15/7, zv. "Bara" - voćnjak u površini od 15 548 m², korisnik DR SV "Krivaja" RO Metalna industrija; dio k.č. 15/4, zv. "Bara" - voćnjak u površini od 60 505, korisnik DR SV "Centar"; k.č. 15/15 zv. "Bara" - voćnjak u površini od 315 m², korisnik DR SV "Centar"; k.č. 15/2 zv. "Bara", voćnjak u površini od 13 659 m², korisnik DR SV KP "Radnik"; k.č. 15/9 zv. "Bara" voćnjak (deponija smeća) u površini od 7 652 m², korisnik DR SV KP "Radnik"; k.č. 15/11, zv. "Bara" - voćnjak u površini od 7 350 m², korisnik DR SV KP "Radnik"; k.č. 16/1 zv. "Bara", potok u površini od 1337 m², korisnik DR SV KP "Radnik"; k.č. 15/8 zv. "Bara", voćnjak u površini od 1 076 m², korisnik DR SV "Mjesna zajednica" i dio k.č. 15/14 u površini od 172 m², korisnik DR SV DIP "Javor", k.č. 14/1 zv. "Bara" u površini od 75 m², korisnik DR SV RO "Šumarstvo" - Tehničko održavanje, sve u K.O. Mustajbašići, u korist Općine Zavidovići.

2. Zemljište iz tačke 1. rješenja se preuzima bez naknade.

3. Nakon pravosnažnosti ovog rješenja u katastarskom operatu će se brisati dosadašnji korisnici zemljišta iz tačke 1. rješenja i izvršiti uknjižba istog u koris Općine Zavidovići.

4. Troškove postupka preuzima i snosi Općina Zavidovići.

O b r a z l o ž e n j e

Prijelazno općinsko vijeće Zavidovići, je na svojoj 16. sjednici održanoj 26.08.1997.godine donijelo rješenje o usvajanju plana parcelacije koja izvršena u skladu sa namjenom gradskog građevinskog zemljišta prema urbanističkom planu zgrada Zavidovića.

Na osnovu ovako usvojenog plana parcelacije trebalo sprovesti postupak preuzimanja neizgrađenog gradskog građevinskog zemljišta označenog u

tački 1. dispozitiva ovog rješenja od ranijih korisnika i iste ustupiti Općini Zavidovići, radi privođenja trajnoj namjeni. Po prelasku preuzetog zemljišta na Općinu Zavidovići, Općina će to zemljište dodjeljivati fizičkim i pravnim licima radi izgradnje industrijskih i drugih privrednih objekata.

Postupak je sproveden u skladu sa članom 25. Zakona o građevinskom zemljištu. U istom članu u stavu 3. je predviđena obaveza da se sasluša raniji vlasnik odnosno nosilac privremenog prava korišćenja zemljišta što je učinjeno (zapisnik broj 03-952-161-1/98 od 20.03.1998.godine, izjava o predaji neizgrađenog gradskog građevinskog zemljišta općini Zavidovići broj 03-952-161/97 od 25.03.1998.godine. Dopis IP "Krivaja" dd Zavidovići broj 369/98 od 09.04.1998. godine i izjava o predaji neizgrađenog gradskog građevinskog zemljišta općini Zavidovići broj 03-952-101/98 od 09.04.1998.godine.

Raniji privremeni korisnici neizgrađenog gradskog građevinskog zemljišta preduzeća "Javor" i JP "Radnik" su svojim gore označenim pismenim izjavama općini Zavidovići predali, bez traženja bilo kakve naknade zemljište koje su oni koristili. Direktor TP "Centar" je svojom izjavom koju je dao na zapisnik odbio da preda općini Zavidovići bez naknade nekretnine kojima kao privremeni korisnik raspolaže Preduzeće "Centar". Generalni direktor IP "Krivaja" je u svom dopisu iznio stav ovog preduzeća po kome ono kao državno preduzeće nije ovlašteno da daje saglasnost za izuzimanje nekretnina koje privremeno koristi.

Shodno članu 19. Zakona o građevinskom zemljištu i člana 89. Zakona o eksproprijaciji, naknada za preuzeto zemljište od društveno pravnih lica se isplaćuje samo do visine ulaganja u zemljište koje se preuzima.

U svojim izjavama, raniji privremeni korisnici zemljišta koje se preuzima iz njihovog posjeda IP "Krivaja" i TP "Centar", nisu ponudili nikakve dokaze da su imali bilo kakvih ulaganja u zemljište niti je predmetno zemljište uslov rada društveno pravnog lica.

S obzirom na ovako utvrđeno stanje i zakonske odredbe koje regulišu ovu materiju, odlučeno je kao u dispozitivu rješenja.

POUKA O PRAVNOM SREDSTVU: Protiv ovog rješenja ne može se izjaviti žalba, ali se može pokrenuti upravni spor kod nadležnog suda.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-475-16

dr Refik Čatić, s.r.

Datum, 14.5.1998.godine

Na osnovu člana 6. Zakona o zaštiti stanovništva od zaraznih bolesti koja ugrožavaju cijelu zemlju ("Službeni list RBiH", broj 13/94) i člana 3. Statuta općine Zavidovići ("Službeni glasnik općine Zavidovići", broj 1/98), Općinsko vijeće Zavidovići na 7. sjednici održanoj dana 14.5.1998.godine, donijelo je

PROGRAM

mjera za sprečavanje i suzbijanje zaraznih bolesti
na općini Zavidovići za 1998.godinu

UVODNI DIO

Zaštita od zaraznih bolesti sastoji se u organizovanju i sprovođenju mjera za sprečavanje i suzbijanje zaraznih bolesti i ima prvenstvo u odnosu na druge mjere za zdravstvenu zaštitu. Mjere za sprečavanje i suzbijanje zaraznih bolesti neposredno sprovode ustanove iz oblasti zdravstva. Mjere za sprečavanje i suzbijanje zaraznih bolesti sprovode se u skladu sa godišnjim, srednjoročnim i dugoročnim programima. Mora se istaći činjenica da na osnovu Zakona o zdravstvenoj zaštiti ("Službene novine Federacije BiH", broj 29/97), programskih mjera i aktivnosti za sprečavanje, rano otkrivanje i suzbijanje zaraznih bolesti donosi federalni ministar zdravstva na prijedlog Zavoda za javno zdravstvo Federacije BiH, program nije još donešen pa je ovaj program raden na osnovu Zakona o zaštiti stanovništva od zaraznih bolesti koje ugrožavaju cijelu zemlju ("Službeni list RBiH", broj 13/94), objavljeno u "Službenom listu SFRJ", broj 51/84 i 63/90) i Zakona o zaštiti od zaraznih bolesti ("Službeni list SRBiH", broj 36/87, 18/90 i 7/98), "Službeni list RBiH", broj 8/93 i 13/94).

Što se tiče područja općine Zavidovići u 1997.godini registrovano je ukupno 896 zaraznih bolesti. Upoređujući ovaj podatak sa 1996.godinom kada je registrovano 361 bolesnik može se steći utisak da je došlo do naglog skoka zaraznih bolesti, ali sagledavajući činjenicu da je u 1996.godini bio izuzetno mali broj ljekara i da nisu prijavljivane sve zarazne bolesti tako da ti pokazatelji ne pokazuju pravo stanje.

Posmatrajući određene vrste zaraznih bolesti i sa zdravstveno i ekonomskog aspekta, sa zdravstvenog jer su opasne po život i zdravlje, sa ekonomskog jer iziskuju dugotrajno i skupo liječenje kao što su: TBC, ENTROCOLLITIS, HEMATITIS A i B, MENINGITIS EPID., INTOXICATIO ALIMENTALIS, iste u odnosu na 1996.godinu pa i na 1991. godinu su u opadajućem odnosu (TBC: 1997.-57, 1996.-74, 1991.-71, HEPATITIS "A": 1997.-2, 1996.-7, 1991.-88, HEPATITIS "B" 1997.-7, 1996.-6, 1991.-2, itd.).

PROGRAM SPREČAVANJA I SUZBIJANJA ZARAZNIH BOLESTI U 1998.GODINI

Program sprečavanja i suzbijanja zaraznih bolesti u 1998.godini na općini Zavidovići sastojat će se u sljedećim mjerama:

- 627 -

1. sprečavanje i suzbijanje zaraznih oboljenja,
2. program iz oblasti komunalne higijene,
3. program iz oblasti školske higijene,
4. program iz oblasti Zakona o zaštiti i prometu životnih namirnica,
5. poslovi dezinfekcije, deratizacije i dezinsekcije,
6. program zdravstvenog vaspitanja,

1. SPREČAVANJE I SUZBIJANJE ZARAZNIH BOLESTI

Iz tabelarnog pregleda kretanja zaraznih bolesti za 1997. godinu vidi se da na našoj općini ima priličan broj zaraznih bolesti različitih vrsta.

Značajno je naglasiti da zarazne bolesti predstavljaju veliki zdravstveni i ekonomski problem zemlje. Zdravstveni, zbog toga što se zarazne bolesti brzo šire i zahvataju sve životne dobi stanovništva. Ekonomski, zato što iziskuje velika materijalna sredstva za liječenje (bolničko i kućno), što svaka zarazna bolest iziskuje dugo liječenje i mirovanje (bolovanje).

Rad na suzbijanju i sprečavanju zaraznih bolesti obavljat će Higijensko-epidemiološka služba JU "Dom zdravlja" Zavidovići po sljedećoj metodologiji:

- prijava i evidencija svakog otkrivenog slučaja zaraznog oboljenja,
- higijensko-epidemiološko izvidanje od strane ljekara i sanitarnog tehničara,
- uzimanje lične i grupne ankete,
- uzimanje ankete o higijenskim uslovima stanovanja, ishrane,
- hospitalizacija, izolacija i kućno liječenje oboljelih,
- uzimanje materijala na analizu: urin, stolica krv, hrana i sl.,
- ciljno i kontrolno izvidanje u cilju lokalizacije žarišta i otkrivanje novih slučajeva,
- traženje kliconoša, njihova registracija, evidencija i po potrebi liječenje,
- dezinfekcija, dezinsekcija i deratizacija stanova, dubrišta, WC, tj. okućnica, vodnih objekata,
- sanacija komunalnih objekata,
- zdravstveno vaspitanje u obliku individualnog i grupnog razgovora,
- praćenje zdravstvenog stanja radnika-hadžija povratnika iz zemalja u kojima se javlja karantenske bolesti.

U realizaciji ovog Programa učestvovat će tim Higijensko-epidemiološke službe Javne ustanove "Dom zdravlja" Zavidovići, Općinska sanitarna inspekcija uz stručnu pomoć Kantonalnog zavoda za javno zdravstvo Zenica.

2. PROGRAM IZ OBLASTI KOMUNALNE HIGIJENE I MJERE

- higijensko sanbdijevanje stanovništva vodom za piće,
- sanitarna zaštita vodotoka,
- dispozicija otpadnih materija,
- higijensko održavanje saobraćajnih objekata i prevoznih sredstava,
- sprovođenje i kontrola programa eradicacije postojećih i potencijalnih prirodnih žarišta bolesti.

U realizaciji ovog programa radit će se sa posebnim akcentom na higijeni i kontroli vodnih objekata seoskog područja, gdje bi se obavezno uvela kartoteka vodnih objekata.

Vrši bakteriološku i hemijsku analizu vodnih objekata, posebno onih koji sa epidemiološkog stanovišta imaju veći značaj, vršiti kontrolu nad održavanjem istih. Po potrebi vršiti prečišćenje i hlorisanje, gdje treba poseban akcent baciti na seoske lokalne vodovode kao stalne izvore žarišta, pošto više od 50% ovih vodovoda bakteriološki nisu ispravni.

3. PROGRAM IZ ŠKOLSKE I PREDŠKOLSKE HIGIJENE I MJERE

Higijensko-epidemiološka služba JU "Dom zdravlja" Zavidovići angažovat će se na unapređenju kolektivne i lične higijene kao i higijene prostori-ja, rad školske kuhinje, snabdijevanje vodom, ventilaciju prostorija, čišćenje školskog dvorišta i preduzeti druge potrebne mjere iz ove oblasti.

Nastojati ustrojiti kartoteku školskih objekata.

4. PROGRAM IZ OBLASTI ZAKONA O ZAŠTITI I PROMETU ŽIVOTNIH NAMIRNICA I MJERE

- vrši nadzor nad periodičnim pregledima lica za koja je zakon propisana,
- izdavati sanitarne knjižice i voditi urednu kartoteku,
- sa sanitarnim inspektorom općine zajednički kontrolisati proizvodnju i promet životnih namirnica,
- uzimati primjerke prehrambenih artikala na higijensko-bakteriološku ispravnost.

5. PROGRAM IZ OBLASTI DEZINFEKCIJE, DEZINSEKCIJE I DERATIZACIJE I MJERE

- uraditi najmanje dva puta godišnje sistematizaciju i deratizaciju i djelimičnu dezinfekciju i dezinsekciju užeg dijela grada,
 - uraditi dezinfekciju, dezinsekciju i deratizaciju svih objekata koji se bave proizvodnjom i prometom životnih namirnica po propisu četiri puta godišnje jedan objekat,
 - uraditi DDD svih školskih i predškolskih objekata 4 puta godišnje,
 - uraditi DDD svih objekata saobraćaj i prevoznih sredstava,
 - uraditi DDD svih deponija smeća (naročito gradske deponije).
- Po narudžbi subjekata uraditi i ostale poslove iz ove oblasti.

6. PROGRAM IZ OBLASTI ZDRAVSTVENOG PROSVJEĆIVANJA I MJERE

- zdravstveno prosvjećivanje vršiće se u okviru mogućnosti JU "Dom zdravlja" Zavidovići i općine,
- pojedinačno i grupno prosvjećivanje (razgovor, predavanja, programskih materijala),
- teme će biti iz higijene i zarazne bolesti,
- provođenje zdravstvenog prosvjećivanja vršit će se preko: škola, preduzeća, seoskih mjesnih zajednica i sl.

OPĆINA ZAVIDOVIĆI

- OPĆINSKO VIJEĆE -

Broj: 01-50-15

Datum, 14.5.1998.godine

PREDSJEDAVAJUĆI
OPĆINSKOG VIJEĆA

dr Refik Čatić, s.r.

Na osnovu člana 7. Zakona o zdravstvenoj zaštiti životinja ("Službeni list RBiH", broj 3/93 i 13/94) i člana 3. Statuta općine Zavidovići, Općinsko vijeće Zavidovići na 7. sjednici od 14.5.1998.godine, donijelo je

PROGRAM

zdravstvene zaštite životinja u 1998.godini
na području općine Zavidovići

I - RAZLOZI I ZAKONSKA OSNOVA ZA DONOŠENJE PROGRAMA

Zdravstvena zaštita životinja vrši se na osnovu Zakona o zaštiti životinja od zaraznih bolesti koje ugrožavaju cijelu zemlju, Zakona o zdravstvenoj zaštiti životinja i Naredbe o mjerama zaštite životinja od zaraznih i parazitarne bolesti i njihovim finansiranjem u 1997.godini ("Službene novine Federacije Bosne i Hercegovine", broj 27/96).

II - MJERE

1. Zaštitno cijepljenje pasa

Obavlja se jedanput godišnje, najkasnije do 31.12..

Psi stariji od (tri) 3 mjeseca vakcinisat će se protiv bjesnila. Psi koji u toku godine dostignu starost od tri mjeseca, odnosno nabavljenog psa koji nije ranije vakcinisan, mora se vakcinisati u roku od 14 dana kada je ostigao starost od 3 mjeseca, odnosno od dana nabave.

Izvršio ci posla: radnici Veterinarske stanice.

Preventivno cijepljenje pasa obaviti će se na sabirnim mjestima, a pojedinačno u dvorištu Veterinarske stanice.

Troškovi popisa cijepljenja pasa uračunati su u cijenu preventivnog cijepljenja.

2. Zaštitno cijepljenje svinja protiv svinjske kuge

Sve svinje starije od 45 dana moraju se vakcinisati protiv klasične kuge svinja. Prasad se vakcinira prvi put u starosti od 45 dana, a drugi puta starosti od 3 mjeseca, bez obzira na epizootiološko stanje.

U periodu mart-juni i septembar-oktobar, treba vakcinisati sve svinje u ekstenzivnoj proizvodnji. Prinovljeni podmladak, nazimice, krmače i neratove treba vakcinisati iznad navedenog perioda.

Svinje-nazimice se vakciniraju prvi puta prije ispusta, a krmače nakon svakog parenja, odnosno odbijanja prasadi.

Svinje koje se nalaze u zajedničkoj, odnosno šumskoj ispaši, kao i svinje u ograđenim uzgajalištima, moraju biti vakcinisane i održavane u stalnom imunitetnom stanju.

U promet mogu ići samo imunitetne svinje, odnosno svinje koje su vakcinisane najmanje sedam dana prije stavljanja u promet.

- 630 -

Promet svinja dozvoljen je samo na stočnim pijacama, sajmovima, dogonima i drugim otkupnim mjestima koja su pod stalnim veterinarsko-sanitarnim nadzorom.

Rad će se obavljati po domaćinstvima u gore navedenim vremenskim rokovima.

Izvršioći posla: radnici Veterinarske stanice.

Troškove rada snosi vlasnik životinje.

3. Newkastlska bolest

Perad će se vakcinisati protiv newkastlske bolesti dva puta godišnje vakcinom proizvedenom iz soja La Sota okulonazalno ili raspršivanjem vakcine, a interventnim slučajevima samo raspršivanjem.

Perad će se vakcinisati protiv newkastlske bolesti između 15. maja i 20. jula prvi put, te između 15. oktobra i 30. novembra drugi put, a prinovljena perad između navedenih perioda.

Perad i pernata divljač na farmama i svim oblicima intenzivne proizvodnje mora se vakcinisati protiv newkastlske bolesti, tako da budu stalno imuna.

Uspjeh provedene vakcinacije peradi prosuduje se serološkom pretragom koja je sastavni dio imunoprofilaktičkog postupka.

Imunitet će se kontrolisati:

- a) u ekstenzivnim uzgojima peradi uzimanjem pet uzoraka na 1.000 vakcinisane peradi,
- b) u intenzivnim uzgojima pretragom 50 uzoraka krvi po jatu.

Veterinarske stanice i držaoci intenzivnih uzgoja peradi, dužni su program vakcinacije dostaviti općinskoj veterinarskoj inspekciji.

III - DIJAGNOSTIČKE PRETRAGE U SVRHU OTKRIVANJA ZARAZNIH BOLESTI

1. Bruceloza

Na brucelozu se mora serološki pretražiti:

- krv nabavljenih ovaca i koza prije uvođenja u uzgoj,
 - dva puta godišnje krv bikova, nerastova, ovnova, i jarčeva
- služe za prirodni pripust od kojih jedan pregled mora biti prije korištenja za nasplod, pri čemu se krv ovnova mora pretražiti i na brucella ovis infekciju.

U stadima u kojima se brucella ovis utvrdi u ovnova, obavezna je pretraga na brucellu ovis infekciju svih ovaca u stadu.

Veterinarsi su dužni dostaviti krv po mogućnosti i fetus na laboratorijsku pretragu kod svakog pobačaja krava i junica, nazimica i krmača, ovaca i koza.

- Izvršioći posla: radnici veterinarske stanice i stručni saradnici Zavoda za veterinu kantona.

Dijagnostičke pretrage izvršit će se po domaćinstvima i sabirnim mjestima.

Troškove sprovođenja pretrage finansirat će se po tački 7. Naredbe uzimanja pretrage krvi bikova, ovnova, jarčeva, koji služe za prirodni pripust.

2. Enzootska leukoza goveda

Rasplodna goveda koja se stavljaju u promet moraju biti pregledana a enzootsku leukozu. Nalaz dijagnostičkog laboratorija ne smije biti stariji 30 dana.

Na enzootsku leukozu goveda pretražuje se krv bikova za prirodni pripust, dva puta godišnje.

Izvršioi posla: radnici Veterinarske stanice i stručni saradnici Veterinarskog fakulteta.

Dijagnostičke pretrage izvršit će se na sabirnim mjestima i u domaćinstvima.

Troškove sprovođenja pretrage finansirat će vlasnici bikova i vlasnici grla koji grla prodaju.

3. Genitarna kompilobakterioza

Bris ili ispirak bikova za prirodni pripust pretražuje se na kompilobakteriozu dva puta godišnje. Kod pobačaja goveda, ovaca i koza veterinari su dužni dostaviti na pretragu uzorak krvi, a po mogućnosti i fetus.

Izvršioi posla: radnici Veterinarske stanice i stručni saradnici Zavoda za veterinu kantona.

Uzimanje uzoraka izvršit će se u domaćinstvima.

Troškove za uzimanje uzoraka kod bikova plaća vlasnik životinje, a kod rada, stav 3. tačke 7. Nredbe.

4. Infektivna anemija kopitara

Serološka pretraga uzoraka krvi kopitara obavlja se:

- jednom godišnje, najkasnije do 31. oktobra na šumskim radilištima, kao i uzgojima sa više od 10 kopitara zajedno,
- kada se nabavljeno grlo uvodi u uzgoj iz tačke 1.,
- kod pastuha prije licenciranja,
- kada se kopitari dovode na izložbe, smotre, sportska natjecanja i opasivanja u ergelama,
- kada se kopitari stavljaju u promet,

Nalaz o negativnoj serološkoj pretragi za slučajeve pod tačkom 3. i 4. ne smije biti stariji od 90 dana, a u slučaju iz tačke 5. do 30 dana.

Radi utvrđivanja proširenosti bolesti obaviti će se jednokratno vađenje krvi svim kopitarima.

Izvršioi posla: radnici Veterinarske stanice i stručni saradnici Zavoda za veterinu kantona.

Uzimanje uzoraka izvršit će se na području šumskih radilišta, u domaćinstvima i na sabirnim mjestima.

Troškove za uzimanje uzoraka krvi kopitara, postupiti će se po tački 7. stav 1. Naredbe, izuzev za grla na šumskim radilištima i kada se kopitari stavljaju u promet.

5. Leptospiroza

Krv bikova, ovaca, jarčeva, nerastova i pastuha, koji služe za prirodni pripust, serološki se pretražuje na leptospirozu dva puta godišnje.

Veterinari su dužni kod pobačaja krava i junica, ovaca, koza, svinja i kobilica dostaviti krv na pretragu.

Izvršioći posla: radnici Veterinarske stanice i Zavod za veterinu kantona.

Uzimanje uzoraka krvi vršit će se u domaćinstvima vlasnika životinja.

Troškove iz stava 1. snosit će vlasnik životinje, a iz stava 2. po tački 7. Naredbe.

6. Mastitis krava.

Proizvođači mlijeka i proizvoda od mlijeka namijenjenih javnoj potrošnji dužni su dvaput u toku godine podvrći pojedinačno svaku muznu kravu, kozu i ovcu pretrazi na poremećenu sekreciju vimena. Mlijeko krava, ovaca i koza sa poremećenom sekrecijom vimena mora se bakteriološki pretražiti.

Izvršioći posla: radnici Veterinarske stanice, a kod pretrage poremećene sekrecije vimena, stručni radnici Zavoda za veterinu kantona.

Pretrage će se izvršiti na sabirnim mjestima.

Troškove pretrage snosit će vlasnik životinje 50% i 50% budžet općine, a serološke pretrage uzorka mlijeka u proizvodnji programa suzbijanja poremećene sekrecije vimena, finansirat će se po tački 7. stav 5. Naredbe.

7. Paratuberkuloza

Krv i feces bikova, ovnova i jarčeva koji služe za prirodni pripust moraju se dva puta godišnje pretražiti na paratuberkulozu.

U svim slučajevima klinički postavljene sumnje na oboljenje od paratuberkuloze potrebno je serološki pretražiti krv sumnjivih životinja.

Izvršioći posla: radnici Veterinarske stanice i stručni saradnici zavoda za veterinu kantona.

Rad će se obavljati u domaćinstvima vlasnika bikova, ovnova i jarčeva.

Troškove snosi vlasnik životinja.

8. Q Groznica

Kod svakog pobačaja krava i junica, ovaca i koza mora se provesti odgovarajuća laboratorijska pretraga na Q groznicu.

Zabranjeno je držanje ovaca i koza u dvorištima farmi muznih krava.

Izvršioći posla: radnici Veterinarske stanice i stručni saradnici Zavoda za veterinu kantona.

Rad će se obavljati u domaćinstvima vlasnika životinja.

Troškove snosi vlasnik životinja.

9. Kokošiji tif, puluroza i infekcije salmonellom enteritidis i s.typhimurium

Dijagnostičkom postupku brze krvne aglutinacije podliježu sva jata nesilica (konzumna i rasplodna) koja se koriste u komercijalne svrhe. Od jata sa 1.000 i više životinja pretražuje se najmanje 200 uzoraka krvi kada jato dostigne 30% nesivosti te svaki slijedeći mjesec po 100 krvi do kraja proizvodnje. U ostalim jatima pretražuje se krv od 20% nesilica u jatu, a svaki naredni mjesec krv od 10 nesilica od kraja proizvodnje.

- 633 -

Jaja za nasad pline se unutar dva sata poslije nesenja.

Jaja (konzumna i rasplodna) mogu se stavljati u promet ili inkubirati samo ako potiču od jata koja su slobodna od navedenih salmeneloza, odnosno ako držaoci jata peradi imaju potvrdu o zdravstvenom stanju jata izdanu od ovlaštenog laboratorija.

Držaoci peradi koja se uzgaja na farmama dužni su dostavljati na bakteriološke pretrage:

1. briseve iz inkubatora i prostorija u kojima su smješteni inkubatori najmanje jedna kontrola tromjesečno. Pretražuje se 30 briseva uzetih sa površina. Briseve uzima ovlašteni laboratorij.

2. najmanje 30 oplodjenih jaja iz kojih se pri inkubiranju nisu izlegli pilići, uginule piliće i nekonij od najmanje 100 pilića,

Kontroliše se svako jako jednom mjesečno, a po potrebi i češće:

3. Jednodnevne piliće uginule tokom prijevoza od valionice do farme, te one koji uginu u slijedeća dva dana na farmi,

Pretražuje se do 30 lešina.

4. lešine rasplodne peradi (podmladak i nesilice rasplodnih i konzumnih jaja) najmanje jedna kontrola mjesečno.

Uzorkom se smatra jednodnevno uginuće ili najviše 20 lešina po jatu. Bakteriološki treba pretražiti i skupni uzorak izmeta podmlatka u starosti četiri nedjelje te dvije nedjelje prije početka nesivosti, a nesilica jednom tromjesečno, po tri skupna uzorka od najmanje 30 životinja.

5. Lešine tovnih pretražuju se najranije dvije nedjelje prije klanja, s tim da se uzorkom smatra dvodnevno uginuće, a najviše 20 lešina po jatu.

Izvršioc posla: radnici Veterinarske stanice i stručni saradnici Zavoda za veterinu kantona.

Rad će se obavljati u domaćinstvima vlasnika životinja.

Troškove snosi vlasnik životinja.

10. Trihomonijaza

Bikovi za prirodni pripust moraju se prije korištenja laboratorijski pretražiti na trihomonijazu.

Izvršioc posla: radnici veterinarske stanice i stručni saradnici Zavoda za veterinu kantona.

Rad će se obavljati u domaćinstvima vlasnika životinja.

Troškove snosi vlasnik životinja.

11. Tuberkuloza

Obavezna opća tuberkulinizacija goveda starijih od šest mjeseci mora se provesti do 30. septembra. Sva rasplodna goveda u uzgojima brojnim od deset grla tuberkulinizirat će se na cijeloj teritoriji Općine. Za obnovu uzgoja ne mogu se koristiti goveda i svinje koje prethodno nisu tuberkulinisane.

Veterinarski inspektor u klaonici mora posebno voditi evidenciju o svakom ustanovljenom slučaju tuberkuloze goveda.

Patoanatomska dijagnoza mora se potvrditi u ovlaštenom laboratoriju.

Izvršioc posla: radnici Veterinarske stanice i stručni saradnici zavoda za veterinu kantona.

Troškove pretrage snosi vlasnik životinje 50%, a 50% budžet općine.

Rad će se obavljati na sabirnim mjestima.

12. Zarazni rinotraheitis goveda - pustularni vulvovaginitis

Za prirodni pripust mogu se koristiti samo bikovi koji su dva puta u toku godine podvrgnuti kliničkom pregledu i laboratorijskoj pretrazi na balanopostitis.

Ne smiju se oplodavati krave i junice sa kliničkim znakovima pustularnog vulvovaginitisa.

Izvršioći posla: radnici Veterinarske stanice i stručni saradnici Zavoda za veterinu kantona.

Troškove pretrage snosi vlasnik životinje.

Rad će se obavljati u domaćinstvima vlasnika životinja.

13. Zarazne i parazitarne bolesti pčela

U promet mogu ići samo zdrave pčelinje zajednice odnosno one na kojima su provedene naredene dijagnostičke i preventivne mjere i to:

a) Američka gnjiloća pčelinjeg legla,

U mjestima u kojima je 1996. godine ustanovljena američka gnjiloša pčelinjeg legla moraju se tokom septembra i oktobra pregledati sve pčelinje zajednice u krugu od 3 km žarišta. Svaku sumnju na bolest treba potvrditi laboratorijskom pretragom.

b) Nozemoza

Držaoci pčelinjih društava dužni su uzeti uzorke zimskih gubitaka pčela i dostaviti ih na laboratorijsku pretragu putem veterinarskih stanica.

c) Varooza

Držaoci pčelinjih zajednica dužni su obaviti u jesen (ovisno o razvoju pčelinjeg legla), dijagnostičko, a po potrebi preventivno tretiranje pčelinjih zajednica.

Izvršioći posla: radnici Veterinarske stanice i zavoda za veterinu kantona.

Rad će se obavljati u domaćinstvima vlasnika životinja.

Troškove slanja materijala na pretragu snosi vlasnik životinja.

14. Zarazne i parazitarne bolesti riba

U svim pastrvskim ribogojilištima obaviti će se:

a) laboratorijska pretraga i klinički pregled mlada u dobi od pet mjeseci, a u septembru konzumne ribe na znakove vrtičavosti,

b) virusološka pretraga mlada, a u decembru pregled matica kalifornijske pastrve na uzročnike zarazne nekroze gušterače,

c) mjesec dana prije mriještenja pretraga uzoraka krvi matica na antitijela, a virusološka pretraga na uzročnike virusne hemoragijske septikemije kalifornijske pastrve kada se pojave klinički znakovi bolesti,

Izvršioći posla: radnici Veterinarske stanice i stručni saradnici zavoda za veterinu kantona.

Troškove slanja materijala na pretrage snosi vlasnik ribogojilišta.

IV - MJERE ZA SPREČAVANJE ZARAZNIH BOLESTI

Prilikom vakcinacije pasa protiv bjesnila provest će se dehelminitizacija pasa protiv Echinococcus granulosus, sredstvom koje pouzdano ubija zre i nezrele oblike trakavice.

Radi sprečavanja širenja jajašaca obavezno je pse nakon tretiranja držati najmanje 48 sati u ogradenom prostoru i njihove izmetine neškodljivo uklanjati.

Preduzeća i druga pravna i fizička lica, koja se bave klanjem životinja za javnu potrošnju, kao i držaoci životinja koji vrše klanje životinja za vlastitu potrošnju, dužni su radi sprečavanja širenja ehinokokoze odbačene organe zaklanih životinja učiniti neškodljivim preradom u kafilerijama ili prokuhavanjem, odnosno uništiti spaljivanjem ili zakopavanjem.

1. Trihinelozu

U slučaju pojave trihineloze svinja ili oboljenja ljudi od trihineloze, Federalno ministarstvo poljoprivrede, vodoprivrede i šumarstva može narediti da se u pojedinim područjima obavezno obavlja trihinoskopski pregled ili druga metoda (ELISA) otkrivanja tog oboljenja i kod klanja svinja za potrebe vlastitog domaćinstva.

Izvršiocu posla: radnici Veterinarske stanice i stručni saradnici Zavoda za veterinu kantona,

Rad će se obavljati u Veterinarskoj stanici.

Troškove snosi vlasnik životinje.

V - ZOOSANITARNE MJERE

1. U cilju efikasnije zdravstvene zaštite životinja, zaštite ljudi i veterinarske zaštite okolice, kao i kod postojanja epizootičke indikacije, ovlaštene organizacije sprovodit će deratizaciju.

Deratizacija se provodi u životinjskim nastambama i dvorištima, objektima za klanje životinja, preradu, proizvodnju i skladištenje namirnica životinjskog porijekla i drugim objektima gdje je njeno provođenje od interesa za zdravstvenu zaštitu životinja i očuvanje zdravstvene ispravnosti životinjskih proizvoda.

Deratizacija se provodi dva puta godišnje, a na poziv gradana, preduzeća i drugih pravnih i fizičkih lica i češće.

2. Radi zaštite životinja od zaraznih, parazitarnih i drugih opasnih bolesti, držaoci životinja u intenzivnim uzgojima - farmama, dužni su uspostaviti veterinarsko-sanitarni red, a naročito:

- moraju se osigurati ekonomska dvorišta i životinjske nastambe od nekontrolisanog ulaska i izlaska ljudi, životinja i vozila,

- postaviti i održavati uredaje za dezinfekciju osoba i vozila koja ulaze u ekonomsko dvorište životinjske nastambe, a radnicima i posjetiocima osigurati zaštitnu odjeću i obuću,

- pomije i otpaci koji se koriste kao hrana za svinje, moraju se prethodno prokuhivati,

Izvršiocu posla: radnici Veterinarske stanice,

Rad će se obaviti u dvorištu vlasnika životinje.

Troškove usluge snosi vlasnik životinje.

VI - OZNAČAVANJE ŽIVOTINJA

1. Označavanje goveda

Goveda starija od dva mjeseca, izuzev goveda pod selekcijskom kontrolom, moraju se označiti propisanom ušnom markicom.

Sva goveda bez obzira na starost, pri stavljanju u unutrašnji promet ili za izvoz, moraju biti označena propisanom ušnom markicom.

2. Označavanje ovaca i koza

Ovce i koze te njihov podmladak obavezno se označavaju propisanom ušnom markicom prije stavljanja u unutrašnji promet ili za izvoz, odnosno otpremanja na ispašu druge općine.

3. Označavanje svinja

Svinje starije od dva mjeseca, izuzev rasplodnih svinja pod selekcijskom kontrolom kao i sve svinje koje se stavljaju u unutrašnji promet ili za izvoz, bez obzira na starost, moraju biti označene propisanom ušnom markicom.

4. Označavanje konja

Svi konji pri stavljanju u unutrašnji promet ili za izvoz, kao i konji koji se otpremaju za sportske priredbe, izložbe i sl. moraju biti označeni paljenim žigom bročane oznake u kopitu ili žigom na koži vrata, sedlištu ili butu, odnosno u prilogu obavezne dokumentacije raspolagati sa određenim dokumentom za konje ovjerenim od strane općinskog veterinarskog inspektora, sa detaljnim opisom grla, bojom i svim identifikacijskim znakovima i oznakama.

Konji za klanje namijenjeni unutrašnjem prometu ili za izvoz, uz propisnu oznaku "S" paljenim žigom u kopitu mogu biti označeni dlakorezom ili na jedan od načina iz stava 1. ove tačke.

Ždrebac za klanje do starosti šest mjeseci, namijenjena unutrašnjem prometu ili za izvoz, može biti označena dlakorezom ili drugom od propisanih oznaka.

5. Životinje pod selekcijskom kontrolom

Rasplodna goveda i svinje pod selekcijskom kontrolom koja su već označena od strane selekcijske službe, moraju se označiti ovom naredbom propisanom ušnom markicom prije stavljanja u unutrašnji promet ili za izvoz.

Od odredbi navedenih pod tačkom 3. ove glave, izuzimaju se samo tovne svinje namijenjene klanju u unutrašnjem prometu, a porijeklom sa farmi koje se matično stado nalazi pod selekcijskom kontrolom ili su isporučene iz drugih tovilišta, koja se pune odnosno snabdijevaju isključivo sa prasadi porijeklom sa farmi pod selekcijskom kontrolom.

Tovne svinje iz stava 2. ove tačke moraju biti označene propisanim tetoviranim brojem (selekcijskom šifrom farme) na desnoj uši ili butu skladu sa dodijeljenim šifarskim oznakama.

6. Provođenje označavanja životinja

Propisano obavezno označavanje životinja organiziraju općinski veterinarski inspektori, a obavljaju stručne službe veterinarskih stanica.

Propisano obavezno označavanje životinja u objektima specijalizirane stočarske proizvodnje - većim farmama, organiziraju općinski veterinarski inspektori, a obavljaju stručne službe farmi.

Nadzor nad postupkom označavanja životinja obavljaju općinski veterinarski inspektori.

Veterinarske stanice dužne su voditi registar označenih rasplodnih životinja, kao i evidenciju svih ostalih označenih životinja pripadajućeg epizootiološkog područja na propisanim obrascima "Registar označenih rasplodnih životinja" i "Evidencija označenih životinja".

Veterinarske stanice dužne su dokumentaciju iz stava 4. ove tačke dostavljati Federalnom ministarstvu poljoprivrede, vodoprivrede i šumarstva u roku od sedam dana za proteklo mjesечно razdoblje.

Izdavanje i distribuciju ušnih markica uz obavezno označavanje životinja, kao i propisanih obrazaca dokumentacije o označenim životinjama te obradu podataka, vrši Veterinarski fakultet u Sarajevu.

Veterinarski fakultet u Sarajevu vodi središnju Evidenciju označenih životinja i Registar označenih rasplodnih životinja te je dužan ministarstvu - Sektoru za veterinarstvo dostavljati mjesečne izvještaje o distribuciji ušnih markica i broju označenih životinja.

Uvezene životinje iz tačke 1,2,3, i 4. ukoliko je tokom provođenja karantinskih mjera utvrđena zdravom, mora se označiti na propisani način prije prestanka (zatvaranja karantina).

Ušnom makricom označavaju se sve životinje u lijevoj ušni.

Oznaka ušne markice sa brojem kantona, slovom serije i tekućim brojem markice (prednji dio), mora se kod goveda nalaziti sa unutrašnje strane uške, a kod ovaca, koza i svinja s vanjske strane uške.

7. Ušne markice sa pripadajućim sadržajem

Ušne markice se proizvode u dvije veličine i oblika.

UŠNA MARKICA ZA GOVEDA - za sve kategorije goveda namjenjuje se ušna markica u donjem dijelu pravougaonog oblika sa trouglasto izduženim gornjim dijelom za vješanje i spoj, zaobljenih uglova, dimenzije 49x42 mm, u žutoj boji sa sljedećim oznakama: na licu prednje strane, gore u trouglastom dijelu se navodi dvoznamenkasta oznaka kantona i broj serije (slovo) veličine 7 mm te ispod nje tekući petoznamenkasti broj markice utisnut znakovima crne boje, veličine 10 mm.

Na naličju prednjeg dijela markice reljefno je, istaknuta u boji materijala, oznaka u obliku elipse dimenzija osi 27x20 mm sa tekstom: "BH. VETERINARSKA INSPEKCIJA", te oznaka proizvođača.

Na poledini spojnog kružnog dijela promjera 30 mm utisnuta je crnim znakovima oznaka "BIH" i troznamenkasta oznaka broja općine veličine znakova od 7 mm.

UŠNA MARKICA ZA OVCE, KOZE I SVINJE - proizvodi se u obliku izduženog pravougaonika zaobljenih uglova sa spojem na jednom kraju u dimenzijama 50x16 mm.

Spojni dio je kružnog oblika promjera 30 mm.

Na licu prednjeg dijela utisnuta je u crnoj boji oznaka slova serije i tekući petoznamenkasti broj markice veličine 8 mm.

Na naličju prednjeg dijela markice reljefno je istaknuta u boji materijala, oznaka u obliku elipse dimenzija osi 20x12 mm sa tekstom: "BiH VETERINARSKA INSPEKCIJA", te oznaka proizvođača.

Na naličju spojnog dijela promjera 30 mm utisnuta je, crnim znakovima veličine 5 mm, oznaka "BiH" i troznamenkasta oznaka općine.

Ušna markica za SVINJE proizvodi se u žutoj osnovnoj boji materijala.

8. Obrasci ušnih markica za pojedine vrste životinja sa pripadajućim sadržajem i propisani obrasci dokumentacije o obaveznom označavanju životinja: "Registar označenih rasplodnih životinja" (Obrazac broj 2.) štampani su uz ovu naredbu i čine njen sastavni dio.

VIII - PROVOĐENJE MJERA

STRUČNI RAD OBEZBJEĐUJE:

1. JP "Veterinarska stanica" je obavezna da:

- a) sačinii operativni plan rada predviđenih mjera,
- b) obavještava ministarstvo poljoprivrede kantona - kantonalnu veterinarsku inspekciju o realizaciji programa,
- c) redovito izvještava općinsku veterinarsku inspekciju o vlasnicima životinja koji ne prihvataju predvišene preventivne dijagnostičke mjere,

2. Dijagnostičke pretrage i stručnu pomoć pružit će:

- d) stručni radnici kantonalnog i veterinarsko-medicinskog laboratorija,
- e) stručni radnici Veterinarskog fakulteta.

IX - O sprovođenju ovog Programa starat će se:

- Općinski sekretarijat za privredne djelatnosti,
- Javno preduzeće "Veterinarska stanica" Zavidovići.

X - Program stupa na snagu danom usvajanja, a primjenjivat će se od 1.1.1998.godine, te se ima objaviti u "Službenom glasniku općine Zavidovići."

OPĆINA ZAVIDOVIĆI
- OPĆINSKO VIJEĆE -

Broj: 01-336-1

Datum, 14.5.1998.godine

PREDSJEDAVAJUĆI
OPĆINSKOG VIJEĆA

dr Refik Čatić, s.r.

Na osnovu člana 124. stav 1. Poslovnika Općinskog vijeća Zavidovići, Komisija Općinskog vijeća za statut i propise, na 5. sjednici od 1998. godine, utvrdila je

O D L O Ž B A
o osnovama i načinu isplate naknada i drugih primanja vijećnika
i drugih radnih tijela Općinskog vijeća Zavidovići
(prečišćeni - novi tekst)

Član 1.

Pravo na naknadu po ovoj odluci pripada vijećnicima Općinskog vijeća Zavidovići kada prisustvuju sjednicama Općinskog vijeća, ili kada vrše određene poslove za potrebe Općinskog vijeća Zavidovići.

Član 2.

Naknada u smislu člana 1. ove odluke obuhvata:

- a) naknada za prevoz,
- b) naknada za rad u pripremi sjednice Općinskog vijeća i na sjednici Vijeća,
- c) naknada za izgubljeni osobni dohodak, odnosno naknada za izgublenu zaradu.

Član 3.

Naknada za prevoz pripada u visini stvarnih troškova sredstava javnog prevoza, a u slučaju korištenja automobila u osobnoj svojini u službene svrhe ukoliko nije organizovan javni prevoz 20% prodajne cijene jednog litra goriva koje troši vozilo po pređenom kilometru.

Kao sredstvo javnog saobraćaja mogu se koristiti brzi, odnosno poslovnii vlak ili autobus.

Član 4.

Vijećnici imaju pravo na dnevnicu i ostale troškove službenog putovanja u visini i pod uslovima propisanim za radnike općinskih organa uprave.

Član 5.

Pravo na dnevnicu i naknadu troškove noćenja u visini utvrđenoj u članu 4. pripada i članovima radnih tijela Općinskog vijeća, kada svoju dužnost kao članovi tih tijela obavljaju van područja općine Zavidovići.

Član 6.

Naknada izgubljenog osobnog dohotka pripada licima koja radi prisustvovanja sjednicama, odnosno izvršenju službenog posla, nisu ostvarili osobni dohodak na svom radnom mjestu.

Naknada iz prethodnog stava isplaćuje se radniku u poduzeću, odnosno organizaciji u kojoj to lice prima osobni dohodak, kada je taj dan radio, a na zahtjev tog poduzeća, odnosno organizacije, Općinsko vijeće će izvršiti refundaciju.

Član 7.

Osobama koje samostalno obavljaju djelatnost osobnim radom, sredstvima u svojini građana pripada naknada za izgubljenu zaradu.

Naknada iz prethodnog stava isplaćuje se na osnovu uvjerenja nadležnog organa uprave za poslove društvenih prihoda o ostvarenom osobnom dohotku u mjesecu kada je osoba prisustvovala sjednici, odnosno obavljala drugi posao za potrebe Općinskog vijeća i njegovih radnih tijela.

Član 8.

Vijećnicima Općinskog vijeća za učestvovanje u pripremi sjednica Vijeća i za rad na sjednicama Vijeća, pripada naknada u iznosu od 100 KM (stotinu konvertibilnih maraka), po održanoj sjednici Vijeća, a predsjedavajućem Općinskog vijeća 150 KM.

Član 9.

Članovima stalnih i povremenih radnih tijela Općinskog vijeća za učestvovanje u pripremi sjednica Vijeća i za rad na sjednicama stalnih ili povremenih radnih tijela Vijeća, pripada naknada u iznosu od 30 KM (trideset konvertibilnih maraka), po održanoj sjednici komisije.

Član 10.

Ovlašćuje se Općinski načelnik da svojim aktom reguliše visinu i način isplate naknade članovima komisija i radnih tijela koje obrazuje Općinski načelnik i starješine općinskih organa.

Član 11.

Vijećnicima Općinskog vijeća koji su određeni rješenjem vijeća da prisustvuju zaključenju braka pripada naknada za svaki zaključeni brak.

Visina naknade vijećniku utvrđuje se u iznosu od 10 DEM za zaključeni brak u toku radnog vremena i 30 DEM za zaključeni brak van radnog vremena, u neradne dane i dane praznika.

Naknada se isplaćuje u dinarskoj protuvrijednosti.

Član 12.

Matičari matičnih područja iz prethodnog člana vodiće računa da pri zaključenju braka ravnomjerno pozivaju vijećnike koji su posebnim aktom Općinskog vijeća određeni da prisustvuju sklapanju braka.

Član 13.

Novi prečišćeni tekst Odluke o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići obuhvata:

Odluku o osnovama i načinu isplate naknada i drugih primanja odbornika Skupštine opštine i članova komisija i drugih radnih tijela Skupštine opštine, Izvršnog odbora opštine i opštinskih organa ("Službeni glasnik općine Zavidovići", broj 5/91), Odluku o izmjenama i dopunama Odluke o osnovama i načinu isplate naknada i drugih primanja odbornika u Skupštinu opštine i članovima komisija i drugih radnih tijela Skupštine opštine, Izvršnog odbora općine i općinskih organa ("Službeni glasnik općine Zavidovići", broj 4/96) i Odluke o izmjeni odluke o osnovama i načinu isplate naknada i drugih primanja vijećnika u Prijelaznom općinskom vijeću i članovima komisija i drugih radnih tijela Prijelaznog općinskog vijeća ("Službeni glasnik općine Zavidovići", broj 3/97), u kojima je označen dan stupanja na snagu tih odluka.

Član 14.

Odluku objaviti u "Službenom glasniku općine Zavidovići."

OPĆINA ZAVIDOVIĆI

- OPĆINSKO VIJEĆE -

- Komisija za statut i propise -

Broj: 01-023-28

Datum, 08.05.1998.godine

PREDSJEDNIK

KOMISIJE ZA STATUT I PROPISE

Muhamed Šibonjić, dipl.prav.,s.r.

- 642 -

Na osnovu člana 11. Odluke o organizovanju Javne ustanove "Dom zdravlja" Zavidovići ("Službeni glasnik općine Zavidovići", broj 1/98) i člana 5. Statuta općine Zavidovići, Općinski načelnik Zavidovići, donio je

R J E Š E N J E

o saglasnosti na izbor direktora
Javne ustanove "Dom zdravlja" Zavidovići

I

Daje se saglasnost na izbor prim.dr HALIDA MUHIĆA za direktora
Javne ustanove "Dom zdravlja" Zavidovići.

II

Rješenje objaviti u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

Broj: 01-111-24

Datum, 26.5.1998.godine

OPĆINSKI NAČELNIK
Husein Zilkić, dipl.ing.maš., s.r.

S A D R Ź A J

Strana

I - AKTI OPĆINSKOG VIJEĆA

1. ODLUKA o besplatnoj vožnji u gradskom i prigradskom saobraćaju za djecu ratnih vojnih invalida i djecu demobilisanih boraca	620
2. ODLUKA o izmjeni i dopuni Odluke o osnivanju Fonda za pomoć ratnim vojnim invalidima, Organizaciji porodica šehida i poginulih boraca i nezaposlenih demobilisanih boraca	622
3. ODLUKA o utvrđivanju prosječne konačne građevinske cijene 1 m ² korisne stambene, odnosno korisne poslovne površine u društvenoj svojini na području općine Zavidovići za 1998.godinu	623
4. RJEŠENJE o preuzimanju neizgrađenog gradskog građevinskog zemljišta iz posjeda ranijeg nosioca privremene prava korišćenja, radi privođenja trajnoj namjeni	624
5. PROGRAM mjera za sprečavanje i suzbijanje zaraznih bolesti na općini Zavidovići za 1998.godinu	626
6. PROGRAM zdravstvene zaštite životinja u 1998.godini na području općine Zavidovići	629

II - AKTI OPĆINSKOG NAČELNIKA

1. ODLUKA o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići (prečišćeni - novi tekst)	639
2. RJEŠENJE o saglasnosti na izbor direktora Javne ustanove "Dom zdravlja" Zavidovići	642